

ISUMAQATIGIISUMMUT TAPILIUSSAQ 2025

Savalimmiut Naalakkersuisuisa aamma Kalaallit Nunaata Naalakkersuisuisa
apeqqutit aalisarnermut tunngassuteqartut pillugit Isumaqatigiissutaat
27. maj 1997-imeersoq

1. 2025-mi Savalimmiut aalisarnikkut oqartussaaffigisaanni kalaallit aalisarsinnaaner

Ammassassuarnik atlanto-skandiskinik Savalimmiunut pisassiissutaasunit Savalimmiut Kalaallit Nunaat 4.900 tonsinik aalisarsinnaanissaannik tunissavaa. Annertussutsit taakku, tamanna kissaatigineqassappat, Savalimmiut aalisarnermut oqartussaaffigisaanni kalaallit aalisarsinnaassavaat Savalimmiunullu tulaallugit. Savalimmiut imartaani aalisarnek titarnerniit tunngavinniit 12 sømilit avataannut 62°30'N-illu avataanut killilerneqarpoq. Pisassiissutit nunat tamalaat imartaanni kalaallit angallataannit aamma aalisarneqarsinnaapput.

Angallatit Kalaallit Nunaanneersut ammassassuarnik (atlanto-skandisk) Savalimmiormiut pisassaannik aalisartut Vørnimut (Savalimmiormiut Aalisarnermut Nakkutilliisui) aamma Kalaallit Nunaanni Aalisarnermut Piniarnermullu Nakkutilliisoqarfianut (KANUAPNA) aalisarnertik nalunaarutigisassavaat. Savalimmiormiut aalisarnermut oqartussaaffianni imaluunniit nunat tamalaat akornanni imartani aalisarnek pisimasoq pisanit nalunaarutinit ersissaaq.

Savalimmiut Kalaallit Nunaata Savalimmiut imartaanni saarullernanik 23.750 tonsinik aalisarsinnaanissaanut piginnaatippaat.

1.1 Savalimmiut killeqarfiani saarullernanik Kalaallit Nunaata aalisarsinnaanera

NEAFC-p 2025-mut saarullernanut tunngatillugu malittarisassiai innersuussutigalugit, Savalimmiut kalaallit angallataasa 2025-mi Savalimmiut imartaanni saarullernanik 7.814 tonsinik aalisarsinnaanerannik piginnaatitsivoq.

Savalimmiut aalisarnikkut oqartussaaffigisaanni saarullernat nunanut tamalaanut pisassiissutigineqartut kalaallit umiarsuaannit aalisarneqarpata, tamanna Savalimmiut Aalisarnermut Nakkutilliiviannut Vørnimut aamma Kalaallit Nunaanni Aalisarsinnaanermut Piniarnermullu Nakkutilliisoqarfimmut pisanik nalunaaruteqarnermi immikkut ittumik ilisimatitsissutigineqassaaq.

2. 2025-mi Kalaallit Nunaata aalisarnikkut oqartussaaffigisaanni Savalimmiormiut aalisarsinnaaner

Savalimmiormiut Kalaallit Nunaata avannaata kitaata avataani qaleralinnik 100 tonsinik aalisarnissaannik Kalaallit Nunaata pisinnaatippai.¹ Kilisaatersorluni aamma/imaluunniit ningittakkanik aalisartoqarsinnaavoq. Aalisarnek Kalaallit Nunaata kitaani 68°00'N-ip avannaani pisussanngorlugu killilerneqarpoq.

Savalimmiormiut Tunup avataani qaleralinnik 325 tonsinik, saarullinnillu 2.500 tonsinik² tinguttuunillu 375 tonsinik aalisarnissaannik Kalaallit Nunaata pisinnaatippai. Saarullinniarnermi tinguttoorniarnermilu Savalimmiut saniatigut pisarisuukkanik nataarnanik 50 tonsinik pisassinneqarpoq.

Tunup avataani qaleralinnik 325 tonsinik, saarullinnik 350 tonsinik tinguttuunillu 80 tonsinik aalisarnermi killilersuisoqarpoq, Savalimmiut aalisariutaat kilisattartut aamma/imaluunniit

¹ Kalaallit Nunaata kitaani Savalimmiormiut qaleralinniarnissaannut piomasagaatit ilanngussami 3-mi nassuiarneqarput

² Savalimmiormiut Tunumi qaleralinniarnissaannut piomasagaatit ilanngussami 3-mi nassuiarneqarput

ningittagarsuutit amerlanerpaamik pingasut ataatsikkut aalisarsinnaallutik.

Tamatuma saniatigut Savalimmiormiut Tunumi misileraalluni saattussanik aalisarnissaanut Kalaallit Nunaata pisinnaatippai. Saattussat annertunerpaamik 500 tonsit pisarineqaqqusaapput.

Kalaallit Nunaata taakku saniatigut Savalimmiut Tunup avannaani misileraalluni saarullinniarnissamut ilaatigullu natersiortunik allanik peqataanissaanik akuersissummik tunissavaa Naalakkersuisut sinaakkusiussaasa atuuttut iluanni.

3. Isumaqatigiissuteqartut aalisarnikkut oqartussaaffigisaminni illugiillutik misileraalluni aalisarsinnaanerit

Isumaqatigiissuteqartut akunnerminni imartami aalisarnikkut oqartussaaffigisaminni misileraallutik aalisarsinnaanertik isumaqatigiissutigaat.

Misileraalluni aalisarnissat aaqqissuunneqartut aalajangersimaqqissaartut pisassiissutinik paarlaannertut taaneqassanngitsut isumaqatigiissuteqartut isumaqatigiissutigaat. Taamaalluni aaqqissuussinerit siunissami pisassiissutinik paarlaasseqatigiittarnissamik isumaqatigiissutinik tunngavissanik pilersitsissanngitsut piumasaqaatigineqarpoq.

Savalimmiuni Naalakkersuisut aalisarsinnaanermut akuersissutinik nakkutilliisoqarsinnaanermut aamma Kalaallit Nunaanni Naalakkersuisut (Namminersorlutik Oqartussat) paasissutissanik katersinissamut piumasaqarsinnaanermut imminnut pisinnaatipput. Misileraalluni aalisarnermit paasissutissanik katersineq angallatinit imaluunniit aalisarsinnaanermut akuersissutinik nakkutilliisunit suliarineqassapput. Paasissutissanik katersorneqartunik taama tulleriisillugit Savalimmiuni Naalakkersut aamma Kalaallit Nunaanni Naalakkersuisut (Namminersorlutik Oqartussat) akornanni paarlaasseqatigiittoqartassaaq.

Angallatip allattaaviani paasissutissat kiisalu misileraalluni aalisarnermit nalunaarusiat misileraalluni aalisarnerup qaangiunnerani tulleriinneri malillugit Savalimmiuni Naalakkersuisunut aamma Kalaallit Nunaanni Naalakkersuisunut (Namminersorlutik Oqartussat) nassiunneqassapput.

4. Irmingerip Imartaani suluppaakkat³

Irmingerip imartaani 2025-mi suluppaagarniartoqannginnissaa NEAFC-p akuersissutigisimammagu illuatungeriit naammagisimaarpat, ernumagaluguli oqaatigalugu NEAFC-mi peqataasut tamarmik Irmingerip imartaani aamma imartani taassuma eqqaaniittuni 2025-mit 2027-mut suluppaakkanik ikerinnaasiortunik isumaqatigiissummut ilaangimmata. Illuatungeriit peqatigiillutik anguniarniarpat siunissamut ungasinnerusumut atorsinnaasunik aaqqiissutissarsiorniarlutik, illuatungeriit tamarmik aalisarnermi peqataasut ataatsimut aqutsinissamut pilersaarusiortoqarnissaanut isumaqatigiittoqarnissaa anguniassallugu.

4.1 Irmingerip Imartaani suluppaakkat amerlassusaannik naatsorsuinerit

Isumaqatigiissuteqartut Irmingerip Imartaani suluppaakkat amerlassusaannik nunat tamalaat naatsorsuinerannut peqataatigiinniarnissaq anguniassallugu isumaqatigiissutigaat. Isumaqatigiissuteqartut aalisakkat pillugit misissuinernut allanut siuarsaanissamut suleqatigiissapput.

5. NAFO-mi sumiiffimmi 3M-imi (Flemish Cap-imi) raajat

Sumiiffimmi 3M-imi raajarniarneq 2025-mi matoqqassasoq isumaqatigiissuteqartut paasisimavaat.

³ "Shallow pelagic *Sebastes Mentella*" aamma "Deep pelagic *Sebastes Mentella*".

3M-imi raajarniarneq ammaqqissappat, isumaqatigiissuteqartut aalisarnissamut periarfissat illugiilluni atorneqarnissaat pillugit oqallinnerup nangeqqinnissaanut piareersimapput, taannalu tullinnguuttumi nassuiarneqarpoq:

”Savalimmiormiut pisariaqartitsilissagunik Flemish Capimi ullunik aalisarfiusussanik taarsigassarsiumasinnaaneranunut Kalaallit Nunaat piareersimassaaq. Savalimmiut nammineerlutik Savalimmiuni aalisakkanik aalisanngisaminnik Kalaallit Nunaata atorluaasinnaaneranunut ammaniarpoq.

Ullunik aalisarfiusunik atukkiineq siunissami ullunik aalisarfiusussanik agguassinnissamut sunniteqassanngilaq..”

6. Savalimmiut Kalaallit Nunaata imartaani ammassanniarsinnaanerit

Kalaallit Nunaat ammassannik amerlanerusunik tunineqassappat, Savalimmiut Umiarsuaatileqatigiiffiisa peqatigiiffiat iluanaaruteqarluni nuussisinnaaneq pillugu ilisimatinneqassaaq.

Savalimmiut Islandip imartaani ammassattassaasa 50 %-ii Kalaallit Nunaata imartaani aalisarsinnaavaat. Aalisariutit nalunaarutaanni (pisanik nalunaaruteqarneq) allassimassapput aalisarnermi pisat EU-mik isumaqatigiissummeersuunersut, Islandimut pisassiissutaanersut pisassatut pisiaanersulluunniit.

7. Kalaallit Nunaata sineriaata qanittuani tunisineq

Kalaallit Nunaata sineriaata qanittuani saarullinniarnermi pisat nunami aalisakkeriviit malinnaasinnaajunnaartillugit amerlavallaalerpata, umiarsuit aalisakkerivillit Savalimmiuneersut tunitsivilinneqarsinnaapput.

Taassuma saniatigut Kalaallit Nunaata misissussavaa Savalimmiut aalisariutaat Tunumi aalisakkerivinnut tunisisinnaanersut.

8. Pisat pillugit paasissutisseeqatigiittarneq

Kalaallit Nunaanni Aalisarnermut Piniarnermullu Nakkutilliisoqarfik Vørnillu Kalaallit Nunaata Savalimmiullu imartaanni pisassiissutinit siuliani taaneqartunit pisat pillugit imminnut ilisimatittarnissamut pisussaaffeqarput. Tamanna atuupportaaq Kalaallit Nunaat sumiissuseq apeqqutaatinnagu ammassassuarnik atlanto-skandiskinik pisaqarpat. Nalunaarutit marlungornerit tamaasa sumiiffimmi nalunaaqutaq malillugu kingusinnerpaamik nal. 16:00 nassiunneqartassapput. Kalaallit Nunaanni Aalisarnermut Piniarnermullu Nakkutilliisoqarfiup (KANUAPNA) aallartitat ilisimatippaat atertik Kalaallit Nunaanni Aalisarsinnaanermut Akuersissutinik Nakkutilliisoqarfimmit (KANUAANA) allanngortissimallugu atertik suliassaminnut eqqornerusumik ersersitsiniassammat. Tassunga atatillugu pisortatigut pisortatigoortumik mailkkut attavigineqartarfiannut uunga allanngortippoq gfk@nanoq.gl, siunissamilu saaffiginnissutit tamarmik tassunga nassiunneqartartussaallutik. Piffissami aggersumi mailkkut allaffigineqartarfitoqaannit nutaamut ingerlaannartumik nuussisoqartassaaq, mailikkulli allaffigineqartarfia siulleq 2025-p ingerlanerani peerneqassaaq.

Kalaallit kilisaataanni elektroniskimik nalunaarsuineri atortup (ERS) atulernissaa kinguaattoorfigalugu KANUAPNA ilisimatitsivoq, tamannalu elektroniskimik allattuiviup vCatch-ip kalaallillu aalisarnermut piniarnermullu paasissutissaataasiviata LULI-p akornanni atuutsitsilerniarnerup unamminartoqarnera pissutaavoq. Taamaammat qaqugorpiaq ERS aqqutigalugu Kalaallit Nunaat paasissutissanik paarlaassinissamut piareersimassanersoq

oqaatigiuminaappoq. Savalimmiormiut taamaammat allattaavinnut pappiaraasunut allattuisarnissaat suli peqqussutaagallassaaq. Vørnimit apeqqutigineqarpoq angallatimi ERS-imik anillatsillugit nassiussisinnanissamut periarfissaq apeqqutigaaq, tamannali itigartinneqarpoq Kalaallit Nunaanni inatsiseqartitsineq innersuullugu.

Vørn ilisimatitsissuteqarpoq umiarsuarmi allattuiviit FLUX-inngorlugit nassiunneqartarnissaat NEAFC-mit ukioq ataaseq qaangiummalli akuerineqarsimasoq, Savalimmiullu maanna ERS aaqqiiviginiarlugu NEAFC-mi isumaqatigiissut FLUX-imut tunngasoq pillugu nunanik allanik isumaqatiginninniarluni.

9. Nunat immikkoortuini aalisartut kattuffiisa suleqateqatigineqarnerat

Isumaqatigiissuteqartut isumaqatigiissutigaat nunat immikkoortuini aalisartut kattuffii immikkut sinniisoqartinneqarnissaat sulissutigissallugu. Tamannali pitinnagu ataqatigiissaarilluarnissaq ikioqatigiilluarnissarlu qulakkeerniarneqassapput.

10. Suleqatigiinneq

Isumaqatigiissuteqartut isumaqatigiissutigaat nunat taakku marluk aalisarnermut suliffeqarfiisa akornanni iluanaaruteqarnerulernissamut suleqatigiilernissaannut kaammattussallugit. Tassunga atatillugu isumaqatigiissuteqartut isumaqatigiissutigaat suleqatigiinnerup allartinnginnerani aalisarsinnaanermullu akuersissutit tunniutinnginnerini oqaloqatigeeqqaassallutik.

11. Ilisimatuussutsikkut suleqatigiinneq

Kalaallit Nunaata Savalimmiullu akornanni ilisimatuussutsikkut pisortatigoortumik pisortatiguunngitsumillu suleqatigiinnerit Illuatungeriit marluk tamarmik nuannaarutigaat. Uumasooqatigiit pingaarutillit aningaasarsiutaasut, uumassusillit benthiskiusut imaanilu miluumasut pillugit suleqatigiinneq ingerlalluarpog. Tamatuma saniatigut NIS (Nunatsinni Ilisimatusarnermik Siunnersuisooqatigiit) Savalimmiunilu misissueqqissaarnissamut siunnersuisooqatigiit (Granskningsrådet) akornanni ilisimatusarnikkut suliniutit ataatsimoorussat aaqqissuunnissaannut tunngatillugu MoU-qarpoq (paaseqatigiinnissamut isumaqatigiissut).

12. Tunngavissatut isumaqatigiissut nutaaq

Savalimmiut Kalaallillu Nunaata akornanni aalisarneq pillugu apeqqutit pillugit tunngavissatut isumaqatigiissut nutaaq 2024-p ingerlanerani suliarinerani siuariarsimalerput, taassumalu Savalimmiut Naalakkersuisuisa aamma Kalaallit Nunaanni Namminersornerullutik Oqartussat akornanni isumaqatigiissummut 27. maj 1997-imeersoq taarsissavaa. Tunngavissatut isumaqatigiissutip 2025-p kvartaliami siullermi atsiornissaa illuatungiusut anguniarpaat.

13. Isumaqatiginninniarnep tullissaa

Illuatungiusut nunat illugiillutik isumaqatiginninniarnissaat tullinnguuttut december 2025-mi Nuummi pissasut isumaqatigiissutigaat. Piffissaq kingorna isumaqatigiissutigineqarumaarpoq. Isumaqatiginninniarnepni Kalaallit Nunaat qaaqqusisusaaq.

14. Akuersissuteqarneq

Isumaqatiginninniarnepni angusat oqartussanut pineqartunut saqqummiunneqassapput taakkulu inaarutaasumik akuersissuteqarnissaat apequtaassallutik.

Tórshavn, 22. november 2024

Savalimmiut sinnerlugu

Kalaallit Nunaat sinnerlugu

Janet Skarðsá
Isumaqatiginninniarnermi aqutsisoq
Aalisarnermut Attaveqaasersuutinullu
Ministeeriaqarfik

Katrine Kærgaard
Immikkoortortaqarfimmi pisortaq
Aalisarnermut Piniarnermullu
Naalakkersuisoqarfik

Savalimmiuni Naalakkersuisut

Namminersorlutik Oqartussat

**Ilanngussaq 1 uunga Savalimmiut Naalakkersuisuisa aamma Kalaallit Nunaanni
Namminersorlutik Oqartussat akornanni aalisarneq pillugu isumaqatigiissutaannut 27. maj
1997-imeersumut tapiliussaq 2021-meersoq**

ULLORMUT OQALUUSERISASSAT

**Savalimmiut aamma Kalaallit Nunaata akornanni illugiilluni isumaqatigiinniarnermi
oqaluuserisassat
2025-mut isumaqatigiissummut ilassut**

*Sumiiffik: Hotel Hafnia, Áarvegur 8, Tórshavn
21. – 22. november 2024*

1. Tikilluaqqusilluni ataatsimiinnermik ammaaneq allarniutaasumillu oqaatigisassat
2. Oqaluuserisassat akuersissutigineqarnerat
3. 2023-mi aalisarnerit pisallu pillugit kisitsisit tulleriiaarneqarnerat (inaarutaasoq) kiisalu 2024-mi (utaqqiisaasumik)
4. 2025-mut ilisimatuussutsikkut siunnersuutit tulleriiaarneqarnerat
5. Ilisimatuussutsikkut suleqatigiinneq
6. Naleqqussaanermut nakkutilliinermullu suleqatigiinneq
7. Aalisagaqatigiit ataatsimoorussat pillugit aqutsineq nunallu immikkoortuini aalisarnermik aqutsinermik kattuffinnik suleqateqarneq
8. Aalisarnermut maleruagassat nutaat pillugit paasissutissat
9. 2025-mut pisassiissutinik paarlaasseqatigiinneq
10. Isumaqatigiissutip tunngaviusup nutarternera
11. Tamalaat
12. Ataatsimiinnerup naammassinera

Ilanngussaq 3 Savalimmiut Naalakkersuisuisa aamma Kalaallit Nunaanni Namminersorlutik Oqartussat akornanni aalisarneq pillugu isumaqatigiisummut 27. maj 1997-imeersumut tapiliussaq 2021-meersoq

Kitaani qalerallinniarnermut piumasaqaatit

Aalisarnermi misiligutininik tiguisarnissaq piumasaqataavoq. Sapaatip akunneranut marloriarluni qalerallit ikinnerpaamik 150-it uuttorneqartassapput.

Paasissutissat Pinngortitaleriffimmut nassiunneqassapput, Postboks 570, 3900 Nuuk, Grønland, Uunga Rasmus Nygaard imaluunniit qarasaasiatigut uunga Fisk-tap@natur.gl.

Tunumi saarullinniarnermut piumasaqaatit

Aalisarnermi misiligutininik tiguisarnissaq piumasaqataavoq. Sapaatip akunneranut marloriarluni qalerallit ikinnerpaamik 150-it uuttorneqartassapput tassungalu atatillugu, siunnai 20-it tiguneqassapput, takissusaat, oqimaassusai suaassusaalu ilanngullugit.

Paasissutissat Pinngortitaleriffimmut nassiunneqassapput, Postboks 570, 3900 Nuuk, Grønland, Uunga Anja Retzel, imaluunniit qarasaasiatigut uunga Fisk-tap@natur.gl.

Aalisarneq Tunup kujataani aqutsiveqarfimmi ingerlanneqassaaq. Kleine Bankeq eqqaani 1. martsimiit 31. majimut aalisarneq matoqqassaaq.

Takussutissiaq: Aqutsiveqarfiit tak. Tunumi saarullinnik aqutsinissamut pilersaarut

